



INATSISARTUT

**Aningaasaqarnermut Akileraartarnermullu
Naalakkersuisoq**

Ulloq: 30. juni 2025
J.nr.: 01.31.06/25-01135

**Aningaasaqarnermut Akileraartarnermullu Ataatsimiititaliap ataasinngornermi ulloq
30. juni 2025-mi aalajangiineranik Naalakkersuisunut ilisimatitsineq.**

**Aallarnisaasut sullivissaasa pilersaaruserfigineqarnissaannut kiisalu
nioqqutissiornikkut ineriartortitsinissamut tapiissutit Nalik Ventures-ip aamma
Qeqqata Kommuniata agguagassaannut ilassutitut tapiissutissatut, aningaasanik
siunertanut aalajangersimasunut immikkoortinneqarsimasunik atugassanngortitsineq.
Ataatsimiititaliap suliaa nr. 01.31.06/25-01135.**

”Naalakkersuisut inassutigaa,

- konto pingaarnermi 20.11.70 Suliniutinut nutaanut sillimmatini aningaasaliissutit 2025-mi 5 mio. koruuninik ilanngarneqassasut, suliniummut ”Aallarnisaasunut tapiissutit”-nut aalajangersimasunik atugassiissutaallutik aningaasaliissutinit,
- konto pingaarnermi 67.03.06 Takornariaqarnermik ineriartortitsineq, inuussutissarsiutinillu siuarsaanermi aningaasaliissutit 2025-mi 5 mio. koruuninik ilaneqassasut.”

Aningaasaqarnermut Ataatsimiititaliap oqaaseqaatai apeqqutaalu

Apeqqut 1:

Siunertamut aningaasaliissutit soqutigisaqartut attuumassuteqartut suleqatigalugit illunik aallarnisaavinnik pilersitsinissamut suliniutinut immikkoortinneqarlutillu inuussutissarsiutinik siuarsaanermi aaqquissuussinernut, ilaatigut illoqarfinni minnerni inuussutissarsiornermik ineriartortitsinermik siuarsaanermut immikkoortinneqarsinnaasut 2025-mi aningaasanut inatsit pillugu isumaqatigiissutip kalaallisoortaata quppernerani 4-mi allassimavoq.

Illut aallarnisaaviit kommunini tallimani tamani aallarnisaasunut sullivissanngortinneqarsimasut ataatsimiititaliamit maluginiarneqarpoq. Kiisalu Naalakkersuisunit paasissutissiissutigineqarpoq aallarnisaasut illoqarfinni mikinerusuneersut nunaqarfinneersullu aallarnisaasunut sullivinnik atuinissamut periarfissaat killeqartorujussuussasut. Taamaattumillu oqaaseqatigiit taakku taama allanngortinneqarnerat Naalakkersuisunit nassuarneqarlunilu itisilineqarnissaa ataatsimiititaliamit kissaatigineqarpoq.

Apequt 2:

Aallarnisaasut sullivissaasa pilersaarusiorneqarnissaannut 1,5 kr.-inik immikkoortitsisoqarnissaa Naalakkersuisunit kissaatigineqarpoq. Namminersortut illuutaanni attartornermut aningaasartuuteqarnissamut taarsiullugu containerinik atuinnissaq aningaasartornannginnerusutut Naalakkersuisunit nalilerneqarpoq.


Tamakkiisumik aningaasartuutaasussat 1,3-1,5 mio. kr.-it missaanniittussatut Nalimmit nalilerneqarsimasoq Naalakkersuisut paasissutissiissutigaat. Pilersaarusiornermik suliaasaq sulii ingerlanneqanngitsoq ataatsimiititaliamit maluginiarneqarpoq, taamaattumillu sanaartornermut aningaasartuutissat tamakkiisut maanna ilisimaneqanngitsut naatsorsuutigineqarluni. Pilersaarusiornissamut aningaasartuutit kisimik pineqarnersut imaluunniit sanaartornissamut aningaasartuutissat tamarmiusut pineqarnersut paasissutissiissutigineqassasoq ataatsimiititaliamit kissaatigineqarpoq.

Aallarnisaasut sullivissaasa containeriusut, ataatsimiititaliamit pigisatut sanaartukkatut isigineqartut, Namminersorlutillu Oqartussanit pigineqartut pilersaarusiorneqarnerat sanaartornermut aningaasaliinertut isigineqartariaqartut ataatsimiititaliaq isumaqarpoq, tamatumani aningaasat marlunnut avillugit aningaasaliissuteqartarnermut tunngavik malillugu akuersissutigineqartariaqarlutik. Naalakkersuisut tamatumunnga oqaaseqaateqarnissaat ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangerera

Qulaani allassimasutuut apeqquteqarluni Naalakkersuisut inassuteqaataat ataatsimiititaliap amerlanerussuteqartup **akuerai**.

Inussiarnersumik inuulluaqqusillunga



Erik Jensen

Aningaasaqarnermut Akileraartarnernullu Ataatsimiititaliap siulittaasua